

Mei Oide hot mi obeghaut

Text: Tom Lackner

1. Oida, heast host a weng Zeit fia mi?
Kumm, gemma in des Cafe vis-à-vis!
Und Oida, host Du an Tschick fia mi?
Meine san aus.
 2. Oida, Du schtöhst ma scho leiwaunde Frong
Wos los is mit mia, oba wia soll i's song?
Ollas schpöet si in mia und es schlogt si am Mo'ng
Und auf's Gmiat
 3. Du sitzt so vua mia, und Du gibst ma an Tritt
Und sogst: „Trink nu an Schluck und daunn ausse damit!“
Na jo, sie, er und i woan doch imma zu dritt
Untawegs.
- Refr. Und jetz hot mi mei Oide hoit obeghaut mit mein olla best'n Freund
Und sie song nua gaunz unschuidich, es waa ned so, wia ma scheint
4. Oba sog ma doch, wos soll i hoid'n davon
Waunn i's beide dawisch auf'm Schlofzimmabod'n?
Er nockat, sie a fost. A Halluzination
Woa des kaum
 5. „A bsoffane Gschicht, und mia haum hoid an sitz'n!“
Haum's g'sogt, oba woa do ned imma a Blitz'n
Und knistan, waunn's woa in da nächtlich'n Hitz'n
Vaschdehst?
 6. Und i hob oiß vadrängt und hob wegag'schaut.
I hob eam doch gean ghobt und hob eam vatraut
Sog, hob i damit ollas söwa vasaut
Oda wos?
- Refr. Wöe jetz hot mi mei Oide hoit obeghaut mit mein ollabest'n Freund.
Vielleicht woa ma nua afoch vüh z' oft und zu glicklich vaeint
7. Und jetz waß i hoit ned, wia r i weidatua
Sie streit' ollas oh und ea gibt ma nix zua
Und i renn im Kraas, wöe es gibt ma ka Ruah
Wos do rennt
- Bridge: Soll i' s tred'n und schlo'ng
Aus'n Haus aussejong?
Soll i nix tuan und woat'n
Auf bessare Koat'n?
Soll i' s afoch vadaun
Oda eam niedahaun?
Soll i's einschbean mit G'woit
Bis de Freindschoft zafoit?
Hüf ma hoit!
- Refr. Wöe mei Oide hoit mi obeghaut mit mein ollabest'n Freund
Und sie song nua gaunz unschuidich, es waa ned so, wia ma scheint.
Mei Oide hoit obeghaut, und i hob seithea nix aundas im Sinn
Oh, Du liaba Augustin, ollas is hin!